

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

611. An transferatur quoque in translatarium ipsa potestas transferendi
pensionem.
-

[urn:nbn:de:hbz:466:1-74494](#)

qui, quod, dicitur Papa expressè translatarium subrogari etiam ad possessionem. Cui id quandoque facit ex suppositione quasi possessionis in transferente, etiam dum translatio fit circa consensum titularis, nempe per decretum adjectum in facultate transferendi hisce verbis: *decerentes presentes literas dicto translatario in omnibus, & per omnia suffragari, & quò ad quasi possessionem predictam pensionem exigendam, in qua existit, per viam gratiosi subrogationis substitutum & subrogatum eo ipso censeri*) nihilominus, quia non datur fictio super impossibili, subrogatio haec quidem serviat ad effectum immisionis, quæ non minus datur in corporalibus, quam in incorporalibus, minime tamen ad effectum manutentionis, quæ exigit possessionem in petente, cum sit nova actio, non eadem, & consequenter non possit in alia persona sustineri identitas possessionis, quæ ceterius representetur in persona successoris, ceterius successio fit in subjectum identificum & inalterabile, ut cum succeditur in dignitate aliqua, vel officio.

2. Respondeo ad secundum: Neque possessionis transferentis in illo subservit translatario; nimis nec ad effectum manutentionis, neque ad effectum justificationis. Lott. l. 1. q. 38. n. 77. Nisi ramen possessionis esset longissima 30. annorum; adeo enim longa præscriptio sufficit ad præsumptionem tituli, ne dum ad favorem illius, cui facta est gratia reservationis pensionis, & per tantum tempus exigit, sed etiam plurium successorum virtute successivarum translationis. Lott. ibid. n. 78. & 79. Modò possessionis hujusmodi fuerit bene formata, nempe ex concursu patientia ejus, contra quem, & exactionis illius; si enim fuisset interrupta, v.g. si aliquando super illius nullitate lata sententia, licet postea fuissent continuata solutiones; vel etiam lis & controversia mota, ex qua intercipitur hic cursus 30. annorum continuus in præstatione obedientia. Lott. ibid. n. 80. & 81. Illud tamen hic notandum, quod habet idem Lott. l. 1. q. 36. n. 75. tempora quasi possessionis exigendi translatarii, & transferentis esse conjungenda pro præsumenda justificatione literarum, pro quo citat Rotam decis. 347. n. 9. p. 1. Recent.

Questio 611. An transferatur quoque in translatarium ipsa potestas transferendi pensionem, seu hic eo ipso possit quoque eam transferre iterum in alium?

R Esponder negativè Paris. l. 6. q. 4. n. 39. ubi: quod, dum dicitur, in translatione eam fieri cum iisdem clausulis, & decretis in primâ pensionis concessione expressis, sub verbis illis non venit facultas transferendi; quia hujusmodi facultas erat personalis, & hinc non poterat extendi ultra primam vicem. Lott. l. 1. q. 40. n. 11. ubi: Si semel fuit concessa facultas transferendi (nimis in ipso actu reservationis pensionis) & dein alterata per cassationem (intellige, factam gratiâ transferendi) pensionis, non intelligitur ullo modo repentina clausula facultatis transferendi, etiam virtute decreti, quod reservata censeatur haec secunda cum iisdem clausulis, & decretis, cum quibus erat reservata prior; istud enim decretum intelligitur de clausulis duntaxat validantibus ipsam pensionem. Idem tradit Corrad. pr. benef. l. 5. c. 5. n. 44. ubi: Satis tritum est, translatarium non posse in alium transferre pensionem alias in ipsum translatam,

nisi ostendantur privilegia comprehendere etiam pensiones semel translatas; nam alias uimis prorogaretur servitus beneficii; cum translatio pensionis sit odiosa, & ideo restringenda. citat pro hoc Sarneus. ad reg. de infirm. q. 16. Caputq. decis. 100. num. 6. p. 3. Hanc autem facultatem transferendi pensiones semel translatas ob dictam rationem odibilitatis non concedi per Papam, nisi personis plurimum qualificatis, & eidem acceptis, potissimum vero sibi conjunctis nepotibus &c. ait ibidem Corrad. pro ut etiam subdit, concedi etiam per novum Papam Conclavis potestatem transferendi pensiones iis reservatas, etiam si alias semel, vel plures translatæ fuerint, usque ad summam 100. ducentorum anni de Camera.

Questio 612. An translatio pensionis sit odiosa?

1. R Espondeo primò: Dum pensionis transfertur per illum ipsum, cui reservata, in personam sibi bene visam, est odiosa. Lott. l. 1. q. 36. n. 110. Corrad. pr. benef. l. 5. c. 5. n. 2. Azor. p. 2. l. 8. c. 9. q. 1. Paris. l. 6. q. 4. num. 16. Idque non ideo, quia simpliciter prorogatur onus beneficii; cum id non pertineat ad pensionem simpliciter reservatam super quantitatē pecunia per titularem, quæ nullo modo tangit, vel gravat beneficium, & alterius non est considerabile præjudicium tale: nec respectu titularis; cum contingere possit, & sipe soleat, ut translatarius moriatur ante transferentem, etiam dum translatio fit ab eo, qui moribundus videbatur, & in his, quæ pendent à solo eventu, non possit firmari præjudicium. Lott. loc. cit. Corrad. n. 3. quamvis n. 4. addat; exinde forte adhuc aliiquid videri possit præjudicium, quatenus communiter translatio pensionis fieri solet in juniores translatario. Sed ideo tunc translatio haec est odiosa, quia non est de jure, nec etiam de ipsius pensionis natura, sed veluti contra illam; cum pensionis reservetur ad tempus, & sic extinguatur morte pensionarii; translatio vero illius, cum sit obligatio illam solvendi de persona ad aliam personam, operatur perpetuitatem illius, etiam post mortem pensionarii. Corrad. cit. n. 2. seu quia per eam constituitur actio personalis, nempe exigendi in eo, in quo esse nullo modo potest, deficiente confeatu titularis à principio, ut potestriktio ad unius tantum favorem; atque ita representata quādam specie hereditaria successions in illo ipso, in quo nec datur, nec dari potest. Lott. loc. cit. n. 112. citans Gamb. depot. leg. l. 6. n. 179.

Et quamvis Papa ita decernat, ut videatur pensionis solvenda obligationem prorogare cum derogatione regulæ de præstante consenu, haec tamen ipsa procedere videantur ex plenitudine potestatis (quæ semper aliquid amari habet) cum de potestate ordinaria consensum alterius supplere nequeat.

2. Respondeo secundò: In eo casu, dum Papa intendens reservare pensionem ad commodum aliquius, v.g. miserabilis personæ non Ecclesiastice aut Clerici extranei, cui ea directè reservari non poterat, quia v.g. deficit in ea Clericatus, vel est extranea, dum in aliquibus provinciis viget pragmatica, ne pensiones exteris, seu non originariis reserventur, reservat pensionem in caput, & ad vitam clericis, vel personæ alicuius originariæ talis provinciæ, in commodum tamen tertii illius personæ.